



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 95. Quid faciendum cum particulis hostiarum, quæ fortè reperiuntur.

urn:nbn:de:hbz:466:1-42545

attamen ablutio vestis aut barbx ordinariè non est præcipienda, quia melius est vitari turbationem vel offensionem populi, quàm rubricam illam observari, *Tamb. Pelliz. Gob. Lohner & alii contra Pasq. q. 315.*, qui tamen q. 311. fatetur rubricas illas præcipientes abluitionem loci, in quem sacra hostia cadit, non obligare sub mortali; aliud tamen est de speciebus vini, quæ imbibuntur. Addit *Pasq. q. 312.* non esse opus comburi hoc, in quod sacer Sanguis inciderit, sed satis esse abluì. Et de his videri debent etiam *Rubricæ Missalis.*

495. §. 2. Si hostia inter distribuendum decidat in sinum vel intra vestes mulieris, permitti potest, ut ipsamet vel alia mulier manu suâ extrahat, & reponat in Ciborium, indecens enim foret, & plerumque scandalosum, si Sacerdos ipse eximeret. Quòd si ibi commodè non possit eximi, potest mulier seorsim secedere etiam ad vicinam domum, ibique eximere & referre; abluendi tamen erunt digiti mulieris, & ablutio mittenda in piscinam, *Gob. Lohner p. 2. t. 26. n. 7. Pasq. q. 315.*

496. Q. 95. Quid faciendum sit cum particulis hostiarum, quæ fortè reperuntur. &c. De his habet *Busenb. n. 550.* in suis referendus, quibus addè seqq.

§. 1. Particulæ in propria Missa consecratæ sumi possunt etiam cum purificatione, quamvis celebrans post Communionem suam, per horam integram distribuerit Communionem, ut omnes communiter doceat cum *Lohn. n. 6.* & aliis apud *Gob. t. 3. n. 430.*, qui idem dicunt, si immediate post Missam diu Communionem distribuerit. Idem dicunt *Gran. Dian. & alii cum Gob. n.*

422. si sacris vestibus adhuc indutus tales particulas advertat in Sacristia; imò *Marchinus* dicit Sacerdotem posse reliquias etiam alieni Sacrificii sumere, finitâ Missâ post multos Communicatos, quod probabile esse dicit *Tamb.*, quia cum omnes Sacerdotes sint Christi Ministri, Missæ omnium censentur unum specie Sacrificium, adeo que censetur etiam ex suo Sacrificio sumere. Similiter *Castrop. Tamb. Burgh. Centur. 3. cas. 37.* docent contra alios, si Sacerdos adhuc indutus sacris vestibus hostiam ab alio consecratam in valetudinarium ferat infirmo, posse postea absumere particulas in patena repertas, nec posse dare infirmo, si postquam hic communicavit, prius repererit, alioquin bis communicaret, si tamen statim post ipsi darentur, censetur una esse moraliter Communio. *Marchinus, Tamb. Burgh.*

§. 2. Si particule ab alio consecratæ commodè 497. asservari non possint, sumere potest Sacerdos etiam post exutas sacras vestes, *Suar. Lug. Loh. & Gob. supra.* Rectius tamen asservantur, si absit periculum irreverentiæ, *Suar. Tann.* Id tamen non esse necessarium sed consultum, dicunt *Bonac. & Castrop.*

§. 3. Si dubites, an particule, quas extra Corporeale invenis, sint consecratæ, sumendæ sunt post 498. utramque speciem, vel etiam post ablutionem, *Henriq. Bonac. Gob. n. 420.* Si autem inveniatur pars hostiæ circa Altare, sumenda est ante primam ablutionem: Quod si cum non fiat Missa, deponatur loco decenti sine sollicitate, & in proxima Missa absumatur, *Pasq. q. 316.* Idem fieri vult *Quarti p. 3. tit. 10. n. 15.*, si quis referat hostiam vel partem hostiæ, dicatque esse consecratam, non enim semper credi potest.

§. 4.

499. §. 4. Laico communicanti dari potest, præter hostiam nunc consecratam, etiam particula alieni Sacrificii reperta, hæc enim faciunt unam moraliter Communionem. *Gob. t. 4. n. 36.*

500. §. 5. Post sumptam abluitionem non est licitum sumere integram hostiam vel ab alio vel à se consecratam, quia usus Ecclesie extenditur solum ad fragmenta, quæ usam moraliter Communionem constituent cum prius sumptis. *Gob. n. 38.*

501. Q. 96. Quid sit observandum circa renovationem Ciborii. *R. seqq.*

§. 1. Ciborium meritò renovari deberet singulis mensibus, præsertim tempore humido, ne hostiæ corrumpantur. *Nec obstat*, quod Græci ad annum asservent, teste *Arcud. l. 3. c. 55.*, nam consecrant in fermentato, qui non ita facile corrumpitur: & nihilominus addit melius fore, si aliquoties in anno renovarent. Quando autem renovatur Ciborium, vel hostiæ reverenter asservari non possunt, homo jejunos potest sexaginta aut etiam plures hostias sumere; uti & tum, si non possint aliud deferri, nam deferre ad distantiam quadrantis, est nimis incommodum, inquit *Gob. t. 3. n. 421.*

502. §. 2. Qui purificat Ciborium, potest particulas sumpto sacro Sanguine in vacuum calicem conjicere, tumque superfuso vino sumere; potest etiam injicere sacro Sanguini, uti habet *Con.*, aut etiam primæ abluitioni, uti habet *Aversa*: etiam potest sicco purificatorio ad indicem circumducto colligere, tumque illum purificatorii partem excutere in calicem. *Lohner p. 2. tit. 25.* dicit, etiam posse particulas colligere in patenam